

Friday, October 17, 2025

Time - 2:30pm

PMMSY

Vawiin khan Tuipui South Branch YMA Hall-ah, Sawrkar Laipui Scheme - Pradhan Mantri Matsya Sampada Yojana (PMMSY) hnuaia Fisheries kaihhnawih hmanga intihhlamna chawisan nana sum dah chu South Tuipui Bialtu MLA, Pu Jeje Lalpekhlua chuan Tuipui South Branch YMA-te hnenah a hlan.

Wawiina hun hmanah hian Pu Jeje Lalpekhlua chuan Tuipui South-ah hmalakna an nghah thu leh Mizoram pum huap turin a vawi khat nan Fish Festival an huaihawt tur chu lawmawm a tih thu a sawi a, MLA a nih hnuaah Tuipui South chu a ngaih pawimawh hmasak berte zing ami an nih thu leh MLA Fund hmanga hma a lak hmasakna ber zing ami an nih thu a sawi a. Tuipui South chu Mizoram pum huap pawh a sangha humhalh tha berte zing ami an nih thu sawiin khawtlang hruaitute leh Fisheries department-te thawhonna zar a nih thu a sawi. Tuna sum an inhlan hi duan a nih chhan ang ngei, Fisheries kaihhnawih hmanga intihhlamna hmasawnna atan an khua chuan lo hmanang tura chahin sawrkar hmalakna chu sawisel mai lova, khawtlang tana tha tur a nih chuan tawiawm thiam zel turin a chah nghal a ni.

MLA chuan Fish Festival, tun kum tawp, December-a huaihawt tur chu thil lawmawm tak, Mizo mipuite pawhin an nghahhle em em a nih thu sawiin a hlawhtlin nan theihtawp chhuah turin khawtlang mipuite chu a chah a. He Festival-ah hian mipuiten harsa lova an khua an pan theih nan Border Roads Task Force (BRTF) te kawng thuam tha tura a biak nghal thu a sawi bawk.

Tourism chawisan nan, Pradhan Mantri Janjatiya Unnat Gram Abhiyan (PMJUGA) hnuaiah Homestay siamna tur fund an dah thu tarlangin ama bial 29-South Tuipui Constituency-ah mi sawmhnih paruk (26) thlan an nih thu leh chung zinga mi panga (5) chu Tuipui South ami an nih thu a tarlang a. Hei bakah hian an khuaa Jio tower, a khawl that loh vanga function tha thei lo chu siamtha turin hma a lak mek thu a tarlang a ni.



MAMIT NH

Mamit district chhung inkalpawhna kawng chhe lutuk siam that nawr nan nimin atanga Mamit khaw daia National Highway 108 dan chu vawiin khan chhunzawm a ni.

All NGO hruaitute leh Commercial Vehicle Owners Association hruaituten Mamit khawpui panna kawngpui hrang hrangte NH 108 - Mamit leh Aizawl, Mamit leh Hachhek tlang dung inkalpawhna leh NH 06 Mamit leh Bairabi inkar kawng chhe lutuk te siam tha turin sawrkar an lo ngen tawh thin a, an ngenna te tih hlawhtlin sak an nih loh avang leh kawng ala chhiat reng avang hian nimin zing dar 7 atang khan Mamit khawdaiah NH 108 (NH44A an tih bawk) chu dan chah a ni.

All NGO hruaitute leh Commercial Vehicle Owners Association hruaitute chuan khawtlang mipui ten an harsatna tawh zawng zawngte chu vawi leh khatah siam that nghal vek theih nilo mahse sawrkar / department ten an duh anga kawngpui siam thatna hna thawk tura khawl leh hmanrua te lakhawm a hma an thawh hma chuan kawng dan pin chunzawm zel an tum thu leh Dampa AC MLA By election lo awm tur a lirthei vei vak te pawh dan zel an tum thu an sawi bawk.



GST REFORM

Prime Minister Narendra Modi'n thla hmasa ni 22 a GST rate thar a tih chhuah chuan mipui te ah hlakwna a thlen mek zel a, vawiin chuan kerela ei leh bar a nghawng dan kan tarlang dawn a ni.

GST rate thar chuan kerela a loneitute, sumdawnna tenau leh thil siamchhuahna hmun te ah hmasawnna leh hlakwna a thlen mek a, thil tam tak a chhiah lak tih tlem chuan thil siamchhuahna lam ah pawh hlakwna thlen zel in tualchhung a thil siamchhuak tute leh lei tute tan man man zawk a lei leh hralh kawng ah inelna tha zawk a thlen beisei a ni. Hotel leh Homestay te pawh zan riahman tih tlem chuan zin mite nasa tak a ahip zual an beisei bawk. Rate siamthat hian ei leh bar, eiturn

siamchhuak chute leh zin vek vak te tan sum sen nasa tak a phuhruk in lo neitute leh sumdawng te tan pawh hlawkna a thlen zel a ni.

◇◇◇

PRESIDENT

President Droupadi Murmu chuan vawiin hian New Delhi ah Adi Karmoyogi Abhiyan hmalakna hnuaiah National Conclave a hmanpui dawn. Ministry of Tribal Affairs buatsaih National Conclave hi Prime Minister Narendra Modi kaihhruai sawrkar hmalakna hnuaia India in kum 2047-a ram hmasawn anih tumna kawng pawimawh tak a ni a, He Conclave hi PMJANMAN leh Dharti Aba Abhiyan te nen kalkawp tura ruahman a ni.

Vawiina hun hmanah hian Union Minister for Tribal Affairs Juan Oram, Union Minister of State leh sawrkar mi pawimawh hrang hrang te an tel dawn a ni a, Tribal Village Vision 2030 hnuaiah hian hmachhawp hrang hrang bakah pilot project te nen khaw hrang hrang tuam tura ruahman a ni a, he hmalakna hnuaiah hian hnam hnufual khaw sing 5 tuam thei tura ruahman a ni.

He conclave ah hian hmalakna tur hrang hrang zingah zirna leh hriselna tih hmasawn bakah kutthemthiamna leh naupangin chaw tha an dawn theihna tur leh kutkawih eizawna tih hmasawna bakah hmasawna ruhrel tha din te a ni.

◇◇◇

GUJARAT CABINET RESHUFFLE

Gujarat Chief Minister Bhupendra Patel chuan vawiin hian a Cabinet a siksawi a, Cabinet thara Minister tur te hian Gandhinagar-a Mahatma Mandir ah rinawmna thutiam an la a, Governor Acharya Devvrat chuan Minister hrang hrang te chu rinawmna thu a tiam tir dawn a ni.

Gujarat Chief Minister Bhupendra Patel an Cabinet a siksawi dawn avang hian nimin khan Gujarat-a Minister 16 ten banna an thehlut a, an vai hian kum 2022 atanga Minister hna chelh tawh an ni a, tunhnaiah tualchhung inthlan a awm dawn avangin sawrkarah inthlak danglam an tum nia hriat a ni.

Thudawn danin Minister banna thehlut te hi Minister thar tur zingah a tam zawk an tel dawnlo a, Minister thar tur zingah mi tam zawk awmin thalai leh hmeichhia pawh an awm tam tura rin a ni.

◇◇◇